

Hocouh: Soengq Fuk Soengq Fap Haeuj Segih



Ndwen 1 ngoenz 21, Hocouh Si Gungh' anhgiz Bingzgvei Fwnhgiz youq gij segih gvi gyoengqde guenj haenx, caeuq Canghsijcih hezvei bonjdeih banh aen hozdung sij doiqcieng soengq cih "fuk" "bak fanh gingcaz haeuj ranz". Linghvaih, gyoengq minzgingj fujgingj lij soengq "baenzdauq bujgiz faplwd cihsiz" hawj vunzlai Yauzcuz, lumjbaenz daezfuengz deng vunz aeu densin yaeuh ngaenz、fanjdoi qunghgyau yakrwix、cit bauq cuengq bauqva aeu dawz ancienz haeujsim. Aen hozdung neix gungh soengq ok 2000 lai mbaw cih "fuk", 2000 lai fouq doiqcieng, 6000 lai faenh swlhliu lwnhgangj faplwd. Mboujdan soengq fuk hawj vunzlai segih, lij hawj gyoengqvunz engq rox faplwd, engq rox re gij ancienz swhgeij.

(Ganh Yungi/甘勇)

◀ Boux gingcaz ndeu raiz doiqcieng hawj gyoengqvunz Yauzcuz.

Sanhgyangh Ciengj Byaleix, Gaenx Hag Yat Doulungz



▲ Song dah lwghag riuw dwk beij duzbya lawz haemq hung.

Ndwen 1 ngoenz 22, Sanhgyangh Duncuz Swciyen Gujyiz Cin Gyanghconh Siuj-yoz youq mwh guh denlij sanqhag dajciengj le daengx hagdangz 280 boux lwghag geizgauj cingzcik ndei haenx, boux ciengj ndaej duz byaleix lix miz song gaen lai naek ndeu. Neix dwg vihliux gikcoi doenghij lwghag senjdieg banggunz neix engq roengz-rengz doegsaw, cix maq-muengh gyoengqde ndaej lumj byaleix yat doulungz nei.

(Gunj Yicungh/滚亿忠)

Mbanjmyauz Swhyenz Bimoq Lwnh Aencingz Dangj

Ndwen 1 ngoenz 19, Swh-yenz Yen youq Cehdenz Myauzcuz Yangh banh aen hozdung bimoq vwnzva couh "duetgunz gyo'mbaiq aencingz dangj" caeuq "sam roengz mbanj" bi 2021. Lumj-baenz vwnzyi biujyienj、soengq doiqcieng、lwnhgangj gohyoz cihsiz、cuengq denyingj daengj, yinx haujlai vunz humxyawj caeuq camgya. Yienhciegz sing riu sing angq, nauhyied oenoen. Aen hozdung neix dwg vihliux dazyinx vunzlai rox gij aencingz dangj、riengz dangj byaij, langhbaij minzcuz doxgiet ranz vunz ndeu, doxcaez byaij haeuj ndwenngoenz moq.

(Suh Siujginz/舒小琴)



▲ Gyoengqvunz ngonzyawj 《Fwen Hoengz》 fwen cingzgingj biujyienj.



▲ Bouxsimndei bang lwgnyez daenj buhmoq.

Buhdoeng Raeuj Ndang Youh Raeuj Sim

Ndwen 1 ngoenz 22, Baksæk Denzyangz Gih youq Bohhungz Cin Ginzvaz Siujyoz、Denzyangz Gih Daihcib Siujyoz banh aen hozdung simndei bangrex "gien buhdoeng cingzngaih raeuj sim lwgnyez". Gyoengqde hawj 334 boux lwgnyez louzsouj ranzhoj lajmbanj haenx boux ndeu soengq le geu buhdoeng ndeu. Aen gih neix maqmuengh hemqheuh engq lai vunz guh hongsaeh goeng' ik, soengq raeuj hawj gyoengq lwghag.

(Vangz Gzsun Vangz Meijyez/黄国顺 黄美月)